

ხელშეკრულება სახელმწიფო შესყიდვის შესახებ №17

2016/03/16

ქ. თბილისი

16 მარტი 2016წ.

1. ხელშეკრულების დამდები მხარეები

1.1. ერთი მხრივ, სსიპ „სამოქალაქო ავიაციის სააგენტო“, (შემდგომში - შემსყიდველი), წარმოდგენილი სააგენტოს დირექტორის პირველი მოადგილე ივორ აფციაურის სახით და მეორეს მხრივ, შპს „საქაერონავიგაცია“, წარმოდგენილი მისი გენერალური დირექტორის გონა მეზვრიშვილის სახით (შემდგომში - მიმწოდებელი).

2. ხელშეკრულების საგანი

2.1. „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ა“ ქვეპუნქტის საფუძველზე შემსყიდველმა განხორციელა გამარტივებული შესყიდვა 2016 წლის საკუთარი შემოსავლებიდან ფინანსური მომსახურების (შემდგომში „მომსახურება“, CPV კოდი -79200000) შესყიდვაზე და მიმწოდებელმა აიღო ვალდებულება მიაწოდოს შემსყიდველს აღნიშნული მომსახურება წინამდებარე ხელშეკრულების პირობების შესაბამისად.

2.2. ამ ხელშეკრულებით განსაზღვრული მომსახურება მოიცავს შემსყიდველის მიერ 2016 წლის ეროვნული სააგენტოს საწევრო შენატანის (19917.33 ევრო) გადახდის უზრუნველყოფას (ერცხვდება 2016 წლის 1 იანვრიდან წარმოშობილ ურთიერთობებზე), რაც გულისხმობს ამ საწევრო შენატანის მიმწოდებლისათვის გადარიცხვას, ხოლო მიმწოდებელი იღებს ვალდებულებას სრულად გადაიხადოს ეროვნული სააგენტოს 2016 წლის საწევრო შენატანი 796693 ევრო, რომელშიც შემსყიდველის და მიმწოდებლის წილი წარმოდგენილია ეროვნული სააგენტოსთან შეთანხმებული დანახარჯთა ბაზის 2016 წლის მთლიან ხარჯებში მიმწოდებლის 97,5% და შემსყიდველის 2,5% ხარჯების პროპორციულად).

3. ხელშეკრულების სავარაუდო ჯამური ღირებულება და ანგარიშსწორების პირობები

3.1. ხელშეკრულების სავარაუდო ჯამური ღირებულება (შემდგომში - ხელშეკრულების ფასი) შეადგენს: 55000.0 (ორმოცდათხუთმეტი ათასი) ლარს. მათ შორის:

54750,0 (ორმოცდათხუთმეტი ათას შვიდასორმოცდაათი) ლარი - საწევრო შენატანის უზრუნველყოფი თანხა (19917.33 ევროს ექვივალენტი ეროვნულ ვალუტაში გადახდის დღისათვის ეროვნული ბანკის მიერ დადგენილი კურსის შესაბამისად);
250.0 (ორასორმოცდაათი) ლარი - მომსახურების საფასური

3.2. ანგარიშსწორების ფორმა - უნაღლო ანგარიშსწორება ლარებში.

3.3. ანგარიშსწორება იწარმოებს მომსახურების გაწევის შემდეგ, შესაბამისი მიღება-ჩაბარების აქტის და საგადასახადო ანგარიშ-ფაქტურის წარმოდგენიდან არა უგვიანეს 15 (თხუთმეტი) კალენდარულ დღეში.

4. მომსახურების მიწოდების პირობები

4.1. ვადები:

4.1.1. შემსყიდველის მიერ 19917.33 ევროს (ექვივალენტი ეროვნულ ვალუტაში გადახდის დღისათვის ეროვნული ბანკის მიერ დადგენილი კურსის შესაბამისად) გადარიცხვა განხორციელდება ხელშეკრულების გაფორმებიდან 2016 წლის 1 ივლისამდე, ერთჯერადად ან ეტაპობრივად, მიმწოდებლის მიერ წარმოდგენილი შესაბამისი ინვოისის საფუძველზე.

4.1.2. მიმწოდებლის მიერ ეროვნული სააგენტოს 2016 წლის საწევრო შენატანის (შემსყიდველის წილი საწევრო შენატანი) გადახდის ფინანსური მომსახურება განხორციელდება ერთჯერადად ან ეტაპობრივად 2016 წლის 01 დეკემბრამდე, რაც დადასტურდება შესაბამისი მიღება-ჩაბარების აქტით.

4.2. ადგილი:

4.2.1. მომსახურების მიწოდება განხორციელდება მისამართზე: ქ.თბილისი, აეროპორტი, 0158.

5. შესყიდვის ობიექტის მიღება-ჩაბარების წესი

5.1. მომსახურების შესრულება განისაზღვრება მიმწოდებლის მიერ განხორციელებული ფაქტობრივი ჩარიცხვების შესაბამისად, რაზეც გაფორმდება შესაბამისი მიღება-ჩაბარების აქტი ორ ეგზემპლარად.

5.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილია საფინანსო ეკონომიკური ანალიზის დეპარტამენტის უფროსი ზურაბ კოპლატაძე და მიმწოდებლის მხრიდან მენეჯერი ფინანსების მართვის საკითხებში ირაკლი ზაქარეიშვილი.

6. მხარეთა უფლება-მოვალეობანი

6.1. მიმწოდებელი იღებს ვალდებულებას სრულად გადაიხადოს ევროკონტროლის 2016 წლის საწევრო შენატანი 796693 ევრო, რომელშიც შემსყიდველის და მიმწოდებლის წილი წარმოდგენილია ევროკონტროლთან შეთანხმებული დანახარჯთა ბაზის 2016 წლის მთლიან ხარჯებში მიმწოდებლის 97,5% და შემსყიდველის 2,5% ხარჯების პროპორციულად.

6.2. შემსყიდველი ვალდებულია თავისი წილი ევროკონტროლის წლიური საწევრო შენატანი 19917.33 ევრო გამოწერილი გამარტივებული ინვოისის საფუძველზე, 10 (ათი) დღის ვადაში გადაუხადოს მიმწოდებელს გადახდის დღეს ეროვნული ბანკის ოფიციალური კურსის შესაბამისად.

6.4. „შემსყიდველი“ ვალდებულია უზრუნველყოს „მიმწოდებლის“ მიერ გაწეული მომსახურების ანაზღაურება ხელშეკრულების 3.3 პუნქტის პირობების შესაბამისად.

6.5. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესყიდული მომსახურების ინსპექტირება.

7. ინსპექტირების პირობები

7.1. ხელშეკრულების შესრულების კონტროლის უფლება-მოვალეობა ენიჭება წინამდებარე ხელშეკრულების 5.2. პუნქტით მითითებულ პირებს.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლის გათვალისწინებული შემთხვევებისა. ასეთ შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის თაობაზე.

8.4. მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.3. პუნქტით გათვალისწინებული გადაწყვეტილების მიღების განზრახვის თაობაზე.

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი, დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1 ხელშეკრულება ძალაში შედის 2016 წლის 16 მარტს და მოქმედებს 2016 წლის 31 დეკემბრის ჩათვლით.

12. დასკვნითი დებულებები

12.1. ხელშეკრულება შედგენილია ქართულ ენაზე 2 ეგზემპლარად (3 გვერდზე) და თითოეულ მათგანს თანაბარი იურიდიული ძალა აქვს.

12.2. ხელშეკრულების ერთი ეგზემპლარი ინახება “მიმწოდებელთან”, ერთი – “შემსყიდველთან”.

მხარეთა რეკვიზიტები და ხელმოწერები

„შემსყიდველი“

სსიპ „სამოქალაქო ავიაციის სააგენტო“
მისამართი: ქ. თბილისი, აეროპორტი 0158
საიდენტიფიკაციო კოდი: 206349646
სახელმწიფო ხაზინა
კოდი – TRESGE22
ა.ა /სახაზინო კოდი– 707237059

იგორ აფციაური
დირექტორის პირველი მოადგილე



„მიმწოდებელი“

შპს „საქაერონავიგაცია“
მისამართი: ქ. თბილისი, აეროპორტი 0198
საიდენტიფიკაციო კოდი: 208144051
სს „ბანკირესპუბლიკა“
კოდი : REPLGE22
ა/ა: №GE69BR0000000005467067

გონა მეზერიშვილი
გენერალური დირექტორი

